

Ilanngussaq 1

Ruslandimut il.il. ataatsimoortumik pineqaatissiissutit EU-mit (Den Europæiske Union) akuerineqarsimasut pillugit takussutissiaq

Piffissap ingerlanerani ataatsimoortumik pineqaatissiissutaasimasut:

23. februar 2022	Ataatsimoortumik pineqatissiissutit siulliit
25. februar 2022	Ataatsimoortumik pineqatissiissutit aappaat
28 februar aamma 2. marts 2022	Ataatsimoortumik pineqatissiissutit pingajuat
9. marts 2022	"Naapertuuttumik pineqatissiissutit ataatsimoorussat"
15. marts 2022	Ataatsimoortumik pineqatissiissutit sisamaat
8. april 2022	Ataatsimoortumik pineqatissiissutit tallimaat
3. juni 2022	Ataatsimoortumik pineqatissiissutit arfernat
21. juli 2022	Ataatsimoortumik pineqatissiissutit ingerlatiinnarneri tulluarsarnerilu
6. oktober 2022	Ataatsimoortumik pineqatissiissutit arfineq pingajuat
16. december 2022	Ataatsimoortumik pineqatissiissutit qulingiluaat
25. februar 2023	Ataatsimoortumik pineqatissiissutit qulingat
23. juni 2023	Ataatsimoortumik pineqatissiissutit aqqarnat
3. august 2023	Avaqqutaarinninnerit akiorniarlugit Belarusimut pineqaatissiissutit atuuffiisa annertusineri
18. december 2023	Ataatsimoortumik pineqatissiissutit aqqaneq aappaat
23. februar 2024	Ataatsimoortumik pineqatissiissutit 13-iat
17. maj 2024	Piaaraluni eqqunngitsunik paasissutissiinernut sorsunermilu sunniiniarnernut pineqaatissiissutit
24. juni 2024	Ataatsimoortumik killilersuilluni pineqatissiissutit 14-iat
29. juni 2024	Belarusimut ataatsimoortumik killilersuilluni pineqaatissiissutit nutaat

Pissarsiffik:

https://finance.ec.europa.eu/eu-and-world/sanctions-restrictive-measures/sanctions-adopted-following-russias-military-aggression-against-ukraine_en?prefLang=da&etrans=da

Ataatsimoortumik pineqatissiissutit siulliit

23. februar 2022

Ukrainemi Donetsk oblastimi aamma Luhansk oblastimi naalackersuisunit nakkutigineqanngitsunik aamma sumiiffinnut taakkununga russit sakkutuuinik sakkulersorasimasunik aallartitsinissamut naalakkiummik akuersinermut qisuariaatit EU-mi Siunnersuisoqatigiit 23. februar 2022-mi ataatsimoortumik pineqatissiissutinik akuersipput.

Pineqatissiinerit taakku ukununga sammisuupput:

- Ruslandimi naalagaaffiup naalackersuisuisalu EU-mi aningaasaatitigut aningaasarsiornikkullu niuerfennut sullissinernullu isersinnaaneri aamma politikikkut annertusiartuinnartut saassussinerillu aningaasalersornerisa killilersornissaannut.
- Naalackersuisunit sumiiffiit nakkutigineqanngitsut taakku marluk akornanni aningaasarsiornikkut atassutit aamma taakku inatsisinik tunngavissaqanngitsumik saassussisumillu iliuuserisaasa aningaasarsiornikkut kingunerinik akisussaasut erseqqissumik malugitinnissaat EU-mit qulakkeerinninniarnaq.
- Ukrainep nunataata innarligassaanginnerata attaviitsuuneratalu kimeerutsinnissaa imaluunniit navianartorsiortinnissaa eqqarsaatigalugu inuit ataasiakkaat suliniaqatigiiffiillu peqataasimasut. Taamatut ilassuteqarnikkut allattuiffimmiilerput inuit katillugit 555-it suliniaqatigiiffiillu 52-it.

Ataatsimoortumik pineqatissiissutit aappaat

25. februar 2022

Europamiut Siunnersuisoqatigiivisa inerniliinerisa 24. februar 2022-meersut malitsigisaannik ataasiakkaanut aningaasarsiornikkullu pineqaatissiinerit ataatsimoortut uku EU-mi Siunnersuisoqatigiinnit akuerineqarput:

- Aningaasaqarnikkut ingerlatsivinni pineqaatissiinerit, aningaasaatitigut niuerfínnut pingaarnernut Ruslandip isersinnaanerani kipititsisussat, aamma Ruslandimi aningaaseriviit 70 %-iinut sammitinneqartoq, kisianni aamma naalagaaffínnit pigineqartunut suliffeqarfínnut pingaarnernut, tassunga ilanngullugit illersornissamut tunngasut.
- Nukissiornermut tunngasuni pineqaatissiinerit, uuliamik akuiaaffiit iluini nioqutissanik atortorissaarutinillu aalajangersimasunik Ruslandimut tunisisarnerit, pilersuinerit, nuussisarnerit avammullu niuernerit inerteqqutigilerlugit, aamma taakkununga attuumassuteqartunik sullissinernik pilersuinernik killilersuisussat.
- Assartuinermik ingerlatsinermi pineqaatissiinerit, Ruslandimi silaannakkut angallassisartunut timmisartunik, sillimatinik atortunillu tamanik tunisinermik inerteqquteqartoq. Tamatuma Ruslandip aningaasaqarnera nunamullu atassuteqartitsisuni qitiusumik ingerlatsinerit ajornerulersissallugit.
- Atortorissaaruteqarnikkut ingerlatsivinni pineqaatissiinerit, tunisassianik atortorissaarutinillu marloqiusumik atorneqartartunik avammut niuernerimi suli annertunerusumik killilersuisusseq, kiisalu nunap sakkutooqarnikkut illersornissakkullu Ruslandimi atortorissaarutitigut pitsanngorsaaneranut tapertaasinnaasunik tunisassianik atortorissaarutinillu aalajangersimasumik avammut niuernerimik killilersuisusseq.
- Politikikkut visumitigut pineqaatissiinerit, diplomatit taakkunungalu ilaasut niuertullu EU isernissamut pisinnaatitaajunnaarnerinik kinguneqartusseq. Taakkunatigut ilassuteqarnikkut pineqaatissiinerimut ilaasut inuit kattuffiillu allattorsimasut katillugit inuit 654-iulerlutillu suliniaqatigiiffiit 52-iulerput.

Ataatsimoortumik pineqatissiissutit pingajuat

28. februar 2022

EU-mi Siunnersuisoqatigiit pineqatissiinernik killilersuisunik ukuninnga akuersipput:

- Ruslandip qitiusumik aningaaseriviata EU-mi aningaasaatigut sillimmaterpassuarnut periarfissaqalernissaata akornusernissaa siunertaralugu Ruslandimi qitiusumik aningaaserivimmik nuusseqatigiinnermut inerteqqussut.
- Ruslandimi silaannakkut angallassisartut suulluunniit EU-p silaannartaanik qulaassinissamut aamma EU-p mittarfiinut periarfissaqarnissaannut inerteqqussut.
- Pineqatissiinermut ilaasut inuit suliniaqatigiiffiillu pillugit allattuiffimmut inuit 26-it suliniaqatigiiffiillu ataatsip ilanngunneqarneri. Taakkuninnga ilanngussinermi allattuiffimmiilerput inuit katillugit 680-it suliniaqatigiiffiillu 53-it.

2. marts 2022

EU-mi Siunnersuisoqatigiit pineqatissiinernik killilersuisunik ukuninnga akuersipput:

- Aningaasaqarnikkut nalunaaruteqartarnermik aaqqissuussinermi nunarsuarmi saqquminerpaamit SWIFT-imik aaqqissuussinermi Ruslandimi aningaaseriviit pingaarnersat ilaatikkunnaarneri. Taamatut pineqatissiinikkut nunarsuarmi sukkasuumik kinguneqarluartumillu aningaasaqarnikkut nuussisarnerit naammassisarnissaannut aningaaseriviit taakku akornuserneqassapput. Taamatut aalajangiineq EU-p nunani tamalaani peqatigisaanik soorlu USA-mik aamma Tuluut Nunaannik ataqatigeeqqissaarneqarpoq.
- Ruslandimi aningaasaateqarfiit toqqaannartumik aningaasalersuinerimi aningaasalersueqataaffinni pilersaarutini aningaasaliisarnissaannut inerteqqussut.
- Aningaasanik euronik Ruslandimut pilersuinissamut inerteqqussut.
- Naalagaaffiup pigisaata tusagassiorfiup Russia Today-p aamma Sputnik-ip EU-mi aallakaatitassiornissaannut inerteqqussut.
- Belarusimik niueqateqarnermik killilersuinerit aamma Belarusimi sakkutuuni ilaasortat 22-t pineqatissiinermut ilaasut inuit suliniaqatigiiffiillu pillugit allattuiffimmut inuit ilanngunneqarneri. Taakkuninnga ilanngussinermi allattuiffimmiilerput inuit katillugit 702-t suliniaqatigiiffiillu 53-it.

"Naapertuuttumik pineqatissiissutit"

9. marts 2022

EU-mi Siunnersuisoqatigiit pineqatissiinernik killilersuisunik ukuninnga akuersipput:

- Belarusimi aningaaseriviit pingasut SWIFT-imi aaqquissuussinnermiit ilaatikkunnaarneri.
- Sillimmatinik pigisanillu nalilinnik aqutsinermut aamma Belarusimi niuernermit aningaasaliinernut pisortat aningaasalersuinerinut atatillugu Belarusimi qitiusumik aningaaseriviup nuussisarnissaanut inerteqqussut.
- Digitalikkut aningaasatigut pigisat ilaatilerlugit taaguutip "pappiarat aningaasanik nalillit" erseqqissarnera taamaalillunilu ingerlataqarfinni aalajangersimasumi killilersuinerit atuutut eqqortumik naammassineqarnissai qulakkeerlugu.
- Belarusimi naalagaaffimmit pigineqartut suliniaqatigiiffiit EU-mi niuerfinni piginneqataassutaannik nalunaarsuinerit sullissinernullu ulloq 12. april 2022-miit inerteqquteqarneq.
- Belarusimi naalagaaffimmi innuttaasut imaluunniit najugaqartut, EU-mi pappiaqqanik aningaasanik nalilinnik niuerfiit belarusimi sullitat kontuinik toqqortaqarneri kiisalu pappiaqqanik aningaasanik nalilinnik euronik belarusimi sullitanut tunisinernik 100 000 EUR sinnerlugit aningaasaliissutinik tiguisarnerit inerteqqutaalersinnerisigut Belarusimiit EU-mut aningaasat ingerlaartut annertuumik killeqartilernerit.
- Aningaasanik euronerusunik Belarusimi pilersuinissamut inerteqqussut.
- Imarsiornermi tunisassianik radiukkullu attaveqaatersuutitigut atortorissaarutinik Ruslandimut avammut niuerneq eqqarsaatigalugu suli annertunerusumik killilersuinikkut pineqatissiinerit.
- Inuit suliniaqatigiiffiillu pineqatissinneqarsimasut pillugit allattuiffimmut inuit 160-it ilanngunneqarneri. Taakkuninnga ilanngussinermi allattuiffimmiilerput inuit katillugit 862-it suliniaqatigiiffiillu 53-it.

Ataatsimoortumik pineqatissiissutit sisamaat

15. marts 2022

EU-mi Siunnersuisoqatigiit pineqatissiinernik killilersuisunik ukuninnga akuersipput:

- Naalagaaffimmit pigineqartut aningaaseriviit, qimuttuitsut aqutaat imarsiortunillu nalunaarsuiffiit minillugit Ruslandimi naalagaaffimmit pigineqartunik suliffeqarfinnik aalajangersimasunik nuussisarnernik tamakkiisumik inerteqquteqarneq.
- Ruslandimi suliffeqarfinnut aningaasanik taarsigassarsinissamik nalilersuisarnissamut EU-mi sullissivinnut inerteqqussut.
- Maannakkut EU-mik illersuinissamik pineqatissiinermut ilaasunik saviminernik sisannillu tunisassianik eqqussuinissamut, kiisalu Ruslandimi nukissiorfinni aningaasalersuinernut nutaanut, atomimik nukissiorneq nukissiornermilu tunisassianik assartuinerit minillugit, inerteqquteqarneq.
- Nioqqutissanik inuulluataarutaasunik avammut niuernissamut inerteqqussut.
- Oligarkit inuussutissarsiornermilu siuttuusut Kreml-imut atassuteqartut kiisalu suliffeqarfiit sakkutuuni illersornissallu iluini ingerlataqartut amerlanerusut aamma piaaraluni eqqunngitsunik paasissutissiinerit ilanngunnarlugit pineqatissiinermut ilaasut inuit suliniaqatigiiffiillu pillugit nalunaarsuiffimmut inuit 15-it suliniaqatigiiffiillu qulingiluat ilanngunneqarput. Taakkuninnga ilanngussinermi allattuiiffimmiilerput inuit katillugit 877-it suliniaqatigiiffiillu 62-it.

Ataatsimoortumik pineqatissiissutit tallimaat

8. april 2022

Den Europæiske Unionimi Siunnersuisoqatigiit killilersuinikkut pineqaatissiinernik ukuninnga akuersipput:

Aamarsuit pillugit inerteqquteqarneq:

Aamarsuarnik Ruslandimeersunik sunilluunniik eqqussuinissamut inerteqqussut.

Aningaasaqarnikkut pineqaatissiinerit:

Ruslandimi aningaaseriviit suli sisamat pillugit nuussinernut tamakkiisumik inerteqquteqarneq pigisallu nalillit pissarsiarisinnaajunnaarsinneri. Digitalikkut aningaasatigut pigisatigut qaffasissumik nalilinnik Ruslandimut sullissinernut inerteqqussut. Russinut pisuunut tatiginninnikkut sullissinissamut inerteqquteqarneq, taamaalillutik taakku pigisaat nalillit EU-mi toqqortarinissaat ajornarnerulerluni.

Assartuineq:

Usinik assartuineramik suliaqartut Ruslandimeersunut belarussimeersunullu EU-mi sulisunut tamakkiisumik inerteqquteqarneq. Aalajangersimasut ilaatinneqanngitsut tassaapput allakkat, nunalerinermi atortut inuussutissallu, ikiuiniarnikkut ikiorsiinerit kiisalu nukissiorneq. Angallatinut, russit erfalasuannik erfalasoqartunut EU-mi umiarsualivinnut isersinnaanissaannut inerteqquteqarneq. Ilaatigut nakorsaaitigut, inuussutissatigut, nukissiuutitigut ikiuiniarnikkullu siunertaqartut ilaatinneqanngillat.

Siunnerfeqartumik avammut niuernissamut inerteqquteqarneq:

Suli annertunerusumik siunnerfeqartumik avammut niuernissamut inerteqquteqarneq, pingaartumik kvantedatalerineq, innaallagiamik pilersuinermi atortut nutaaliaalluinnartut, maskiinat malussarissut, assartuutit akuutissiallu.

Eqqussuinissamut inerteqqussutip sivitsorneqarnera:

Suli annertunerusumik eqqussuinissamut inerteqquteqarneq, tassunga ilanngullugit cement, gummimit tunisassiat, qisuit, imigassat kimittuut (tassunga ilanngullugu vodka), imigassat kimittuut, aalisakkat qaleruallillu (tassunga ilanngullugu kaviar) aamma Belarusimii kaliumchloridimik eqqussuinerup avaqqutaarneranut akornusiisussamut pineqaatissiineq.

Pisortat isumaqatigiissutaanniit aamma EU-mi aningaasaniit Ruslandip ilaatikkunnaarnera:

Ruslandimi naalagaaffimmi innuttaasut suliniaqatigiiffiillu EU-mi pisiniarnermi isumaqatigiissutini peqataanissaannut tamakkiisumik inerteqqussut. Ruslandimi pisortanit pigineqartunut imaluunniit EU-mi, Euratomimi aamma naalagaaffiit ilaasortaasut

suliniutaanni suliniaqatigiiffinnut nakkutigineqartunut aningaasatigut aningaasatiguunngitsutigullu tapersersuinerit killilerneqarneri.

Inatsilerinikkut erseqqissaatit:

Aningaasanik pappiaranik avammut nassiussinernut aamma pappiaranik aningaasanik nalilinnik Ruslandimi naalagaaffimmi innuttaasunut imaluunniit suliniaqatigiiffinnut pisortatigut EU-mi aningaasanut tamanut niuerutigineqarsinnaasunik tunisinernik inerteqqussutip annertusinera.

Pigisat nalillit pissarsiarisinnaajunnaarsinneri:

Suli inuit 217-it aamma suliniaqatigiiffiit 18-it allattuiffimmut ilanngunneqarneri.

Ataatsimoortumik pineqatissiissutit arfernat

3. juni 2022

Den Europæiske Unionimi Siunnersuisoqatigiit ilassutitut pineqaatissiinerit uku akuerineqarput:

Uuliamik eqqussuinerimik killilersuinerit:

- Uuliamik akuiagaanngitsumik aamma uuliamik akuiakkamik eqqusseqqusinnineq: Pineqaatissiinerit taakku ingerlaannartumik sunniuteqartumik atulersinneqassapput aaqqissuullugaasumillu Ruslandimiit uuliamik eqqussuinerit atorunnaarsikkiartuuaartissallugit. Uulia akuiagaanngitsoq imaatigut assartorneqartoq eqqarsaatigalugu pilersuinikkut nuussisarnerit aamma isumaqatigiissutinik atuuttunik naammassinninnerit ingerlaannartumik atuutilersitsinerup kingorna qaammatini arfinilinni akuerisaassapput, uuliamillu tunisassiat eqqarsaatigalugit atuutilersitsinerup kingorna qaammatini arfineq pingasuni akuerisaassalluni. Naalagaaffiit ilaasortaasut, pingaartumik ruujoritigut atassutitigut Ruslandimik immikkut isumalluuteqartut, utaqqiisaagallartumik ilaatitsinnginnermik iluaquteqarsinnaapput sulilu ruujoritigut atassutikkut pilersuinernik uuliamik akuiagaanngitsumik tiguisarsinnaallutik, Siunnersuisoqatigiit allamik aalajangiinissaasa tungaannut. Naalagaaffiit ilaasortat, ilaatitsinnginnermut tassunga ilaasut, taamaattoq uuliamik akuiagaanngitsumik taamaattumik aamma uuliamit tunisassianik taamaattunik naalagaaffimmi ilaasortanut allanut imaluunniit EU-p avataani nunanut tuniseqqusaanngillat.
- Bulgariap nunatut immikkut sunnigaanera pissutigalugu 2024-p naanissaata tungaanut utaqqiisaagallartumik Bulgariap immikkut ilaatinnginnissaa pillugu isumaqatigiissusiortoqarpoq, uuliamik akuiagaanngitsumik uuliamillu tunisassianik imaatigut assartorneqartunik suli eqqussuisinnaalluni. Kroatia aamma 2023-p naanissaata tungaanut, nunami akuiaaffiit ingerlannissanut pisariaqartumik gasuuliamik Ruslandimeersumik eqqussuinissamut akuerisaavoq.

Uuliamik assartuinerimik ingerlataqartut:

- Qaammatini arfinilinni piffissami atorunnaarsikkiartornerata kingorna EU-p avataani nunanut uuliamik, pingaartumik imaatigut, assartuinerit isumannaarnissaat aningaasalersornissaallu EU-mi ingerlataqartunut inerteqqutaalissaaq.
- Tamatuma uuliamik akuiagaanngitsumik uuliamillu tunisassianik nunarsuup sinneranut Ruslandip suli avammut niueruteqarsinnaanera immikkut ajornarnerulersissavaa, tassa EU-mi ingerlataqartut taamatut sullissinermi pingaarnertut pilersuisuummata.

Aningaasaqarnikkut sullissinernut inuussutissarsiuteqartunillu sullissinernut tunngasunik pineqaatissiinerit:

- Suli Ruslandimi aningaaseriviit pingasut, Ruslandimi aningaaseriviit anginersaat Sberbank, Credit Bank of Moscow aamma Russian Agricultur Bank - aamma belarusimi

ineriartornermut pilersitseqqinnermullu aningaaserivik - SWIFT-imiit peerneqarput. Aningaaseriviit taakku Ruslandimi aningaasaqarnikkut aaqqissuussinermut aamma Putinip sorsussinnaaneranut pingaaruteqartuupput. Tamatuma Ruslandimi aningaasaqarnikkut ingerlatsiviit nunarsuarmi aaqqissuussinerniit immikkoortitaaneri kimittortissavaa.

- Aningaasaateqarfinnut tunngasunik pineqaatissiinerit tulluarsaqqinneqarput, sulilu aalajangersakkamik nutarterneqartumik tulluurtutigut ilaatitsinnginnerit aalajangersarneqarsimallutik (assersuutigalugu ikiuiniarnernik siunertaqartut imaluunniit innuttaasut).
- Inuussutissarsiornermut attuumassuteqartunik sullissinernik pilersuineq - toqqaannartut imaluunniit toqqaannangitsut - soorlu Ruslandimi naalakkersuisunut kiisalu inatsisilerisunut, suliniaqatigiiffinnut imaluunniit Ruslandimi pilersinneqarsimasumut oqartussanut naatsorsuuserineq, kukkunersuineq, inatsisitigut pisussaaffiusoq kukkunersuineq, naatsorsuutinik allattuineq akileraarutitigullu siunnersuineq, suliffeqarfinnik aqutsisunillu siunnersuineq aamma sulisutigullu sullissinerit maannakkut inerteqqutaapput.

Aallakaatitsinernik atorunnaarsitsineq:

- Ruslandimi naalagaaffiup tusagassiorfiini suli pingasuni - Rossiya RTR/RTR Planeta, Rossiya 24/Russia 24 aamma TV Centre International - radiukkut tv-kkullu ingerlatat atorunnaarsinneqarput. Ukrainemi aamma EU-mi tusarnaartunut isiginnaartartunullu sammisumik Kremlimut ikinngutinnersumik piaaraluni eqqunngitsumik paasissutissiisartunut pingaarnernut akuupput aamma Ruslandip Ukrainemut saassussineranut tapersuullutik sunniinarlutik siammarterisuullutik.
- EU-mi naalagaaffinni ilaasortaasuni nakkutilliinermi oqartussat amerlanerusut Ruslandimi naalagaaffimmit nakkutigineqartunut radioqarfinnut tv-qarfinnullu taakkununnga pineqaatissiinernik aalajangeereersimapput. Taakku EU tamakkerlugu imarisamikkut nassuussuinissamat maannakkut kipitinneqarput, qanoq iluseqarneri imaluunniit kabeli, qaammataasat, internetti imaluunniit smartphonini-apps-it aqqutigalugit pinersut apeqqutaanani.
- Tunitsivinniit pineqaatinneqarsimasuniit tunisassiat imaluunniit sullissinerit pillugit ussassaarutit aamma inerteqqutaapput.

Avammut niuernissamat killilersuinerit:

- Ruslandimut avammut niuerutiginnissat inerteqqutaasut teknologiikkut tunisassiat nutaaliaasut pillugit allattuffik, kemii atorlugu sakkussaliornernik suliaqarnermi atorneqarsinnaasut akuussutissat ilaatilerlugit annertusineqarsimavoq. Taakku ornitassanut allanut soorlu Syriamut 2013-mili nakkutigineqalersimapput. Aamma allattuiffik Ruslandimi sakkutooqarnikkut suliffissuarnut atassuteqartunut inuit, inatsisitigut pininnaatitaasut pisussaataasullu imaluunniit suliniaqatigiiffiit ataatsimoortumik pineqaatississuummut ilaatilerlugit annertusineqarpoq. Inuit, inatsisitigut pininnaatitaasut pisussaataasullu imaluunniit suliniaqatigiiffiit taakku ingerlataqarfinni assigiinngitsuni

soorlu elektronikimi, attaveqaatini, sakkuni, umiarsualiorfinni, ingeniøritut suliffinni ilisimatuussutsikkullu ilisimatusarfinni peqataasuupput. Taamatut nutaanik ilanngussineq USA-p pineqaatissiineranut EU naapertuutilerpoq, peqataasullu allat siunissami qaninnerusumi tulluarsarnissaat naatsorsuutigineqarluni.

- Ataatsimoortumik pineqaatissiissut nunat peqataasut pillugit allattuiffimmut Tuluit Nunaat aamma Kunngiitsoqarfik Korea ilanngunneqarput, annertuutigut taamaaqataanik avammut niuernikkut killilersuinernik akuersisimasut.
- Belarusimi suliniaqatigiiffiit, killilersuinernut ilaatinneqartut, annertuumik amerlineqarput (1-imiit 25-mut). Tassani pineqarput tunisassianik atortorissaarutinillu marloqiusamik atorneqarsinnaasunik kiisalu tunisassianik atortorissaarutinillu, Belarusip sakkutuuinut atortorissaarutitigullu pitsanngorsaanneranut aamma nunap sakkutooqarnikkut isumannaallisaanikkullu ineriartorneranut iluaqutaasinnaasunik tunisaqarnissamut, pilersuinissamut, nuussinissamut imaluunniit avammut niuernissamut akuersissutit.

Ataatsimoortumik pineqaatissiissutit ingerlatiinnarneri tulluarsarnerilu

21. juli 2022

Den Europæiske Unionimi Siunnersuisoqatigiit ilassutitut pineqaatissiinerit uku akuerineqarput:

Guultimik eqquassinissamut inerteqqussut:

Ruslandimi pileqqaarfeqartunik guultinik tamanik eqqussuineq aamma Ruslandimiit EU-mut imaluunniit EU-p avataani nunanut avammut assartorneqartut inerteqqutaapput. Inuup atugassaanik angalasut pinnerasaataat guultit ilaatinneqanngillat.

Sukanganerusumik nalunaarusiortarnissamik piunasaqaat:

Inuit pineqaatissinneqarsimasut taakku pigisaat nalillit EU-mi pissarsiarisinnaajunnaarsinnissaat ajornanninnerulersinniarlugu taakku pigisanik nalilinnik allattuinnissamut pisussaaffeqarput.

Siunnerfeqartumik avammut niuernissamut inerteqquteqarneq:

Tunisassiat marloqiusamik atorqeqsinnaasunik aamma atortorissaarutinik nutaaliaasunik avammut nassiussisarnermik nakkutilliineq Ruslandip sakkutuuinut atortorissaarutitigullu pitsanngorsaannermut aamma nunap sakkutooqarnikkut isumannaallisaanikkullu ineriartorneranut iluaqutaasinnaasunik tunisassiat pillugit allattuiffimmik annertusineqarpoq.

Umiarsualivinnut isersinnaanermut inerteqqussut:

Angallatit russit erfalasuannik erfalasoqartut pineqaatissiinerinik avaqqutaarisarnerat akornuserniarlugu sapussualianut isersinnaanerannut inerteqquneqarput.

Aningaasaqarnikkut pineqaatissiinerit:

Aningaasaliissutinik tigusinissamut inerteqqussut annertusineqarpoq nunami isumaqatigiisummut ilaannigsumi inissisimasuni inatsisitigut pisinnaatitaasunit pisussaataasunillu, suliniaqatigiiffinniit imaluunniit oqartussaniit aningaasaliissutit ilaatilerlugit, aamma Ruslandimi naalagaaffimmi innuttaasuneernerusut imaluunniit Ruslandimi najugaqartut inatsisitigut pisinnaatitaasut pisussaataasullu. Aammattaaq killeqarfiit qaangerlugit inerteqqutaanngitsumik niuernernut aningaasaliissutinik tiguisut nunami oqartussatut piginnaatitaasuniit siumoortumik akuersissuteqarnissaat piunasaqaataalluni.

Inuussutissatigut nukissiuutitigullu isumannaallisaaneq:

Naalagaaffimmit pigineqartut suliniaqatigiiffinnik aalajangersimasunik EU-p avataani nunanut nunalerinermi tunisassianik uuliamillu assartuinnernut tunngasut nuussinerit ilaatinneqanngillat.

Nakorsaanikkut nakorsaasiornikkullu katsorsaanerniit ilaatinneqanngitsut:

Nakorsaanikkut nakorsaasiornikkullu katsorsaanernik siunertaqartunut avammut niuernernik inerteqqussutit aalajangersimasunut ilaatitsinnginnerit ilanngunneqarput.

Erseqqissaatit:

Pineqaatissiiinernik pioreersunik erseqqissaanerit arlallit eqqunneqarput, assersuutigalugu pisortat pisiortorerisa, silaannakkut angallannerit eqqartuussivinnilu suliasat iluini.

Pigisat nalillit pissarsiarisinnaajunnaarsinneri:

Allattuiffimmut sulit inuit 54-it aamma suliniaqatigiiffiit qulit ilanngunneqarput.

Ataatsimoortumik pineqatissiisutit arfineq pingajuat

8. oktober 2022

Den Europæiske Unionimi Siunnersuisoqatigiit ilassutitut pineqaatissiinerit uku akuerineqarput:

Allattuiffimmi sulilangussinerit allat:

Sulil inuit suliniaqatigiiffiillu allat pineqaatissinneqarput. Tamanna Ruslandip tiguaanerani, inatsisinik unioqutitsisumik tiguaanerani aamma nunap immikkoortuini Donetskimi, Luhanskimi aamma Zaporizjzja-mi nunap ilaani/oblastini tiguaarneqarsimasuni inunnik taasititsisuusaartitsinerni peqataasunut sammitinneqarpoq. Tassunga aamma ilaapput inuit ataasiakkaat suliniaqatigiiffiillu illersornissamik ingerlataqarfimmi sulisut, soorlu sakkutuuni atorfillit qaffasissut kiisalu suliffeqarfiit russit sakkutuunik sakkulinnik tapersersuisut. Sorsunneq pillugu piaaralutik eqqunngitsumik paasissutissanik siaruarterisunut siunnerfilimmik suliniuteqarneq EU-mit sulil ingerlanneqarpoq.

EU-p killilersuilluni pineqaatissiineri qitiusumik aalajangiisartunut, oligarkinut, sakkutuuni atorfilinnut qaffasissunut aamma sunniiniartunut, Ukrainep nunatut innarligassaanginneranik innarliiniarnermi akisussaasunut sammitinneqarput.

Killilersuinerit oblastit Kherson aamma Zaporizjzja ilaaterlugit annertusineqarput:

Ukrainemi Donetsk oblastimi aamma Luhansk oblastimi sumiiffinni naalakkersuisunit nakkutigineqanngitsunik akuersinermut qisuariaatitut killilersuilluni pineqaatissiinerit nunami atorineqartut aamma sumiiffinnut taakkununga russit sakkutuuisa sakkulersorsimasut aallartinnissaannut naalakkiut Ukrainimi Donetskimi, Luhanskimi, Zaporizjzjami aamma Khersonimi oblastini sumiiffiit naalakkersuisunit nakkutigineqanngitsut tamaasa ilaaterlugit annertusineqarpoq.

Avammut niuernissamat killilersuinerit nutaat:

Sakkutooqarnikkut, suliffissuaqarnikkut atortorissaarutigullu tunisassianut Ruslandip periarfissaqarneranik kiisalu illersornissakkut isumannaallisaanikkullu ineriartornissamat nunap piginnaasaanik annikillisaanissaq siunertaralugu avammut niuernermik sulil killilersueqqinnernik eqqussisoqarpoq.

Tassaniipput aamarsuarnik, tassunga ilanngullugu aamarsuit koksit (Ruslandimi suliffissuarni atorineqartartut), elektronikkimi immikkut atortunik (russit sakuiniittut), silaannakkut angallassinermi atorineqartartunik teknikikkut tunisassianik, kiisalu akuussutissanik aalajangersimasunik avammut niuernermut inerteqquteqarneq.

Naalliutsitsinerit akiórneri pillugit peqqussut naapertorlugu illuinnarsuutunik nioqqutissanillu allanik avammut niuernissamat inerteqqussut ilanngunneqarpoq.

Eqqussuinissamut killilersuutit nutaat:

EUR 7 mia.-ingajannik nalilimmik eqqussuinissamut suli killilersueqqittoqarnissaa pillugu isumaqatigiittoqarpoq.

Tassunga assersuutigalugu ilaapput nioqqutissianik ineriikkanik aamma sisammik inaarnagu sanaanik (inaarnagu sanaanik aalajangersimasunik piffissami ikaarsaarfiusumi nangaassuteqaraluartoq), maskiinanik atortunillu, plastikinik, biilnik, annoraaminernik, skuunik, amernik, marriukkanik, akuutissiatut tunisassianik aalajangersimasunik aamma pinneraatnik guultuunngitsunik eqqussuinissamut inerteqqussutit.

Uuliap akianik qummut G7-mit killiliinerup naammassineqarnera:

Ataatsimoortuni tassani russit uuliamik avammut niuernerat pillugu G7-mi isumaqatigiisummik EU-mi naammassiniarnerup aallartinnera tassani malunnartinniarneqarpoq. Uuliamik akuiagaangitsumik imaatigut eqqussuinnermut EU-p inerteqqussutaa suli tamakkiisumik atuukkaluartoq, akitigut qummut killiliussaq pissutigalugu, taanna naammassineqarpat, EU-p avataani nunanut uuliamik Ruslandimeersumik assartuinnermik europami ingerlataqartut ingerlatsinissaat tapersersuinissaallu ajornassanngilaq, "qummut killiliussamik" aalajangiineq sioqqullugu aki aalajangiussimaneqarnera tunngaviussappat. Taamaalilluni Ruslandip isertitaqarsinnaanera suli annikillisineqaqqissaaq peqatigisaanillu pilersuinerit ingerlaannarnerisigut nunarsuarmi nukissiornikkut niuerfiit patajaatsumiitillugit. Taamaattumik piffissami europamiunut tamanut annertuumik ernumassutaasumi - pingaartumik orsussap akiisa qaffasinnerini - aningaasartuutit qaffasiffiisa nalaanni aningaasat naleerukkiartornerisa pakkersimaarnissaannut nukissiornermilu aningaasartuutit patajaatsumiitinnissaannut tamanna tapertaassaaq.

Taamatut pineqaatissiineq, G7-mi peqatigisat peqatigalugit ataqatigiissaqqissaarneqartoq, Siunnersuisoqatigiit aalajangeeqqinnerisa kingorna atulersinneqarpoq: Taanna uuliamut akuiagaangitsumut ulloq 5. december 2022-mi aamma uuliamik tunisassianut akuiagaasimasunut ulloq 5. februar 2023-mi atulersinneqarpoq.

Naalagaaffimmit pigineqartunut suliffeqarfinnut killilersuinerit:

Ataatsimoortumik pineqatissiissutit taakku naalagaaffimmit pigineqartuni suliffeqarfiit aqutsisoqarfiini aalajangersimasuni EU-mi innuttaasut atorfeqartarnissaannik inerteqquteqarput.

Taanna Ruslandimi imarsiornikkut nalunaarsugaasimasunik nuussinernik tamanik inerteqquteqarpoq aamma nuussinissamut inerteqqussummut ilaasut naalagaaffimmit pigineqartut suliffeqarfiit pillugit allattuiffimmut ilanngunneqarlutik.

Aningaasaqarnikkut siunnersuinerit, qarasaasiaqarnikkut siunnersuinerit allatigullu niuernikkut sullissinerit:

Digitalikkut aningaasatigut pigisanut inerteqqussut atuuttoq digitalikkut aningaasatigut pigisat pillugit aningaasiviit, kontut imaluunniit toqqorsinissamut sullissinerit tamaasa inerteqqutaalersinnerisigut sukaterneqarpoq, aningaasiviit annertussusaat apeqqutaatinnagu (siusinnerusukkut 10 000 EUR tikillugit akuerisaapput).

Ataatsimoortumik pineqatissiissutit Ruslandimi naalakkersuisunut imaluunniit Ruslandimi pilersinneqartunut inatsisitigut pisinnaatitaasunut pisussaataitaasunullu pilersuisinnaajunnaarnikkut sullissinerit ilaaterlugit annertusineqarput: Maannakkut taakkunaniippat qarasaasiatigut siunnersuinerit, inatsisilerinikkut siunnersuinerit, illussanik titartaanerit ingeniøritullu sullissinerit. Taakku annertupput, tassa taakku Ruslandip suliffissuaqarnikkut piginnaasaanik sanngiinnerulersitsisinnaammata, sullissinernik taakkuninnga eqqussuinermit nuna annertuumik pinngitsuuisinnaannginnera pissutigalugu.

Pineqaatissiissutinik avaqqutaarisunut anusinngorsaatit:

Pineqaatissiissutinik avaqqutaarinissamut inerteqqussummik unioqqutitsinissamik kajumissaarisunut inunnt pineqaatissiisinnaanngortitsisumik kusanaatsuliornermut piunasaqaatinik nutaanik EU eqqussisimavoq.

Ataatsimoortumik pineqatissiisutit qulingiluaat

16. december 2022

Den Europæiske Unionimi Siunnersuisoqatigiit ilassutitut pineqaatissiinerit uku akuerineqarput:

Allattuiffimmi suli ilanngussinerit allat:

Pigisanik nalilinnik pissarsiaqarsinnaajunnaarsinneqartunut ilaasut inuit pillugit allattuiffimmut ilaasut inuit suliniaqatigiiffiillu 200-ngajaat EU-mi ilanngunneqarsimapput. Tassunga ilaapput ilaatigut russit sakkutuui sakkulersorneqarsimasut kiisalu officerit ataasiakkaat illersornissamilu suliffissuarni suliffeqarfiit, Statsdumami aamma Føderationsrådimi ilaasortat, ministerit, Ukrainemi nunani tiguarneqarsimasunik oqartussanut russit taartaasut aamma politikikkut partiit. Allattuiffimmut tassunga ilaapput inuit pingaarutillit Ruslandip peqqarniitsumik piaaralunilu inunnut sakkutuujunngitsunut missilit atorlugit saassussineri, meeqqanik ukrainimeersunik Ruslandimut aallarussineri peqataasut aamma ukrainimi nunalerineri atortunik tilligartut.

EU-p avammut niuernerimi inerteqquteqaqqinnera:

Ruslandip sakkutooqarnikkut piginnaasanut teknologiikkullu pitsaanerulersitsineranut tapertaasunut teknologiinut malussajasunut marloqiusumik atorneqartut teknologiillu nutaaliaasut pillugit avammut niuernerimi killilersuinerit nutaat eqqunneqarput. Tassunga ilaapput dronit motorii, takulliinaveersaarutit, kemii/uumassusillit atorlugit sakkut, pikitsisineri nakkutilliineri atortut aamma sorsuffinni russit sakkutuuisa atortuini elektronikkut.

- Aammattaaq sakkortunerpaamik avammut niuernissamut killilersuinerit annertusineqarlutik russit sakkutooqarnikkut suliffissuinit atassuteqarlunnartut Ruslandimi suliniaqatigiiffiit 168-it suli allat ilaaterlugit, teknologiinut malussajasunut marloqiusumik atorneqartunut teknologiinullu nutaaliaasunut taakku periarfissaqarneri akornusersoqqinniarlugit. Tamatuma suliniaqatigiiffiit pineqaatissinneqarsimasut 410-nik ataatsimut amerlassuseqalersippai. Taamatut aalajangiineq peqatigisagut suleqatigeqqissaarlugit aalajangiiffigineqarpoq tassaniillutillu ingerlataqarfiit assigiinngitsut iluiani sulisut sakkutuut, assersuutigalugu silaannakkut angallassinermi.
- Avammut niuernerimut inerteqqussummi nutaamiissapput suliffissuarni nioqqutissiat suliffissuarnilu teknologiit suli allat, soorlu dronit pinnguat/aliikkutat, generatorit pisariusut, qarasaasiat angallattakkat aamma qarasaasiani atortussat, kaaviiarfiit naqitat, radio atorlugu sumiissusersiutit, radio atorlugu ungasianiit aqutissiat, timmisartut motorii motorinullu atortut, assiliissutit linsillu.
- Inuussutissarsiortunik kiffartuussinerit suli amerlanerusut niuerfinnik misissuinerut inuillu isumaannik paasiniaanissamut, teknikikkut misileraanermi misissueqqissaarnermilu

atortussianut ussasaarinermilu atortorissaarutitut inerteqqussutit eqqunneqarnerisigut Ruslandimut pilersuisinnaajunnaarsinneqarput.

Ruslandimi aningaaseriviit pillugit nuussinernut suli allanut inerteqqussutit:

Ruslandimi aningaaseriviit suli allat pingasut pineqaatissinneqarput, tassunga ilanngullugu Putinip aningaasanik tiguseriaannaaneramik nukillaarsaqqinniarlugu Ruslandimi nunap immikkoortuini ineriartortitsinermi aningaaserivinnut nuussinissamut tamakkiisumik inerteqquteqarneq.

Ruslandimi tusagassiuutitigut ingerlaqarnermut suli allatigut inerteqqussutit:

Ruslandimi aallakaatitsiviit allat sisamat EU-mit pineqaatissinneqarput.

Ruslandip droninut periaqarfissaqarnerata killilerneqarnera:

Dronit motooriinik toqqaannartumik Ruslandimut avammut niuerneq maannakkut killeqarpoq, aamma taamaappoq EU-p avataani nunanut avammut niuerneq, assersuutigalugu Iran, pasitsanneqarluni taakku Ruslandimi atorneqarumaartut.

Ruslandimi nukissiorfinnut aatsitassarsiorfinnullu aningaasaqarnikkut pineqaatissiinerit suli allat.

Ataatsimoortumik pineqatissiissutit qulingat

25. februar 2023

Den Europæiske Unionimi Siunnersuisoqatigiit ilassutitut pineqaatissiinerit uku akuerineqarput:

Allattuiffimmi sulii ilanngussinerit allat:

Pineqaatissiinerimut allattuiffitsinnut inuit immikkoortullu 120-t missaat EU-mit ilanngunneqarlutik, tassunga ilanngullugu ilaatigut russit aalajangiisartut, naalackersuisoqarfinni atorfillit qaffasissut sakkutuunilu aqutsisut, Ukrainimut sorsunnermut pisooqataasut, kiisalu taartaasutut oqartussat, Ukrainemi nunani tiguarneqarsimasuni Ruslandimit ikkunneqarsimasut. Aamma allattuiffimmiipput meeqqanik ukrainemeersuniit aallarussinermi peqataasut inuit pingaarutillit, kiisalu suliniaqatigiiffiit inuillu ataasiakkaat piaarillutik eqqunngitsumik paasissutissiisarnikkut tamanut ammasuni kusanaatsuliortut, tamannalu sorsunnerup ingerlanneratigut sakkutuut sorsunnerinut peqataalluni. Iranimi inunnut aamma pineqaatissiisoqarpoq, Ruslandip sakkutuuninut tapertaasunik droninik atortunillu ineriartortitsinerimut peqataasunut. Taakku saniatigut Ruslandimi Wagnerini akilersillutik sakkutuujusartunut taakkulu nunani allani ingerlataannut ilaasortat tapersersuisullu, soorlu Mali imaluunniit Den Centralafrikanske Republik, aamma sammineqarput.

EU-p avammut niuernerimut inerteqquteqaqqinnera:

Ukrainemiit, naalagaaffinnit ilaasortaasutsinniit peqatigisatsinniillu paasissutissat tunngavigalugit Ruslandip sakkutooqarnikkut piginnaasaanut atortorissaarutigullu pitsaanerulerneranut peqataasunut atortorissaarutit malussajasut marloqiusamik atorveqartartut atortorissaarutillu nutaaliaasut pillugit avammut niuernerimut killilersuinerit nutaat eqqunneqarput. Tassunga ilaapput elektronikikkut atortut sulii allat, russit sakuini atorveqartartut (dronit, missilit, qulimiguullit allallu biilit), kiisalu ujaqqanut qaqutigoortunut aalajangersimasunut sakkutuunillu atorveqartartunik assiliissutinut kissarnermik malussajasunut inerteqqussut. Aammattaaq Ruslandip sakkutooqarnikkut suliffissuaqarfianut atassuteqartut immikkoortut sulii allat 96-it allanneqarput, taamaalilluni sakkutuunut tunngasut atuisut tamarmiusut allattuiffimmi allassimasut 506-iulerlutik. Tassunga aamma ilaapput siullermeertumik iranimi immikkoortut arfineq marluk, Ukrainemi sakkutuujunngitsunut attaveqaatinik saassussinernut atortunik EU-meersunik atuillutik Ruslandimi sakkutuunik pilersuisimasut. Pingaarpoq peqatigisatta suleqatigeqqissaarneqarnissaat aamma nunat peqatigisagut pillugit allattuiffimmut Australia, Canada, New Zealand aamma Norge ilanngunneqarlutik.

Russit sorsunnerimut suliniutaanut tapersersuinerimut atugassanngorlugit ajornanngitsumik sangutinneqarsinnaasunut nioqqutissanut avammut niuernissamut inerteqqussut sulii alla eqqunneqarpoq, tassunga ilanngullugit

- biilit; lastbiilit oqimaatsut, sulii inerteqqutaalersimannngitsut (taakkununggalu kingoraartissat), usisaatit peertakkat aamma immikkut assartuutit soorlu qamuteralaat
- nioqqutissat, ajornannngitsumik russit sakkutuunit atugassannngortinneqarsinnaasut; tassunga ilanngullugit generatorit, qinngutit, radarit, sumiissusersiutit il.il.
- sanaartornermi atortut assersuutigalugu ikaartarfiit, napasulianut assigut sanaartornikkut aaqqissuussat, gaffeltruckit, kraanit il.il.
- nioqqutissat russit suliffissuaqarnikkut piginnaasaannik suliaqarnermut pitsannngorsaanissamullu pingaaruteqartut (elektronikit, maskiinanut immikkoortut, pumpit, saviminernik suliarinninnermi maskiinat il.il.)
- suliffissuarni atortut tamakkiisut: tassaniittut ilanngunneqarput avaqqutaarinerit pinngitsoortinniarlugit
- nioqqutissat silaannakkut angallannermi suliffissuarni atorneqartut (timmisartut turbojet)

Inerteqqussutit killilersuinerillu taakku nutaat EUR 11,4 mia.-nik naleqartut EU-p avammut niuerneranut tunngasuupput (2021 pillugu paasissutissat). Siusinnerusukkat ataatsimoortumik pineqaatissiissutini pineqaatissiissutinut ilaareersut avammut niuernermi EUR 32,5 mia.-nik naleqartunut qaavanut ilanngunneqassapput. Ullumikkut ataatsimoortumik pineqaatissiissutini Ruslandip 2021-mi avammut niuernerata affangajaanik naleqarput (49 %).

EU-mut eqquassinissamut inerteqqussutit sulii allat:

Ullumikkut ataatsimoortumik pineqaatissiissutitigut Ruslandip nioqqutissiaataanik qaffasissumik isertissutaasartunik ukuninnga eqquassinissamut inerteqqussuteqarpoq

- bitumen tassunngalu eqqaanartut atortussiat soorlu asfalt

Eqquassinissamut inerteqqussutinut taakkunungga nutaanut ilaapput 1,3 mia. EUR-ingajannik nalilinnik EU-mut eqquassinernit, pineqaatissiissutaareersimasunut 90 mia. EUR-ut qaavinut ilanngunneqartussat, taamaalilluni 2021-mi EU-p eqquassinernata 58 %-ianik annertussuseqarlutik.

Aningaasaqarnikkut ingerlataqarfiit:

Pigisanik nalilinnik pissarsiarisinnajunnaarsitanut ilanngunneqartut aamma aningaasaliinissamut aningaasatigullu isumalluuteqartitsinissamut inerteqqussummut immikkoortut pillugit allattuiffimmut Ruslandimi aningaaseriviit pingasut ilanngunneqarput.

Pineqaatissiinernut allanut uku ilaapput:

- Ruslandimi naalagaaffimmi innutaasut attaveqaatini pinngitsoorsinnaanngisani naalagaaffiit ilaasortaasut suliffeqarfiini aqutsisut issianissaannut inerteqqussut

- Ruslandimi naalagaaffimmi innuttaasut immikkoortullu Peqatigiinnermi (LNG minillugu) gassimik toqqorsivitsigut piginnaasanik inniminniinissaannut inerteqqussut
- Nunap ilaasortaangitsup umiarsuaateqarfia, uuliamik avammut niuernissamut pineqaatissiinermik avaqqutaarinissamut Ruslandimik ikiuineramik pasitsaanneqartoq allattuiffimmi aamma allanneqassaaq.

Atortuutitsinermi avaqqutaarinninnissamillu akerliusunut pineqaatissiinerit:

Ullumikkut ataatsimoortumik pineqaatissiissutini Ruslandimi qitiusumik aningaaserivimmi pigisat pillugit nalunaaruteqarnissamut pisussaaffiit nutaat eqqunneqarput. Tamanna Ruslandip ajugaaffigineqarnerata kingorna Ukrainep ineriartorteqqinnissaanut aningaasalersuinissamut Ruslandimi pisortat pigisaannik atuisinnaaneq eqqarsaatigalugu immikkut pingaaruteqarpoq.

Pineqaatissiinernut allanut uku ilaapput:

- pigisanik nalilinnik pissarsiarisinnaarsinneqartunut (tassunga ilanngullugit allattuiffimmi ilanngunneqarneq sioqqullugu nuussinerit) aamma pigisat nalillit pissarsiarisinnaajunnaarsinneqartariaqartunut tunngatillugu nalunaaruteqarnissamut pisussaaffiit
- EU-p aamma Ruslandip akornanni inuit timmisartorneri, toqqaannartut imaluunniit nuna alla aqqutigalugit, siumoortumik nalunaarutigineqartariaqarput
- nioqqutissanik aallaasinillu marloqiusamik atorineqartunik Ruslandip nunataanit nuna ilaasortaangitsaq aqqutigalugu nuussinernut inerteqqussut

Ataatsimoortumik pineqaatissiissutaasut ullumikkut saqqummiunneqartup saniatigut pineqaatissiinerit sukangasuumik naammassineqarnissaat avaqqutaarinerillu akornusernissaat qulakkeerniarlugu pineqaatissiinermi EU-p aallartitaa David O'Sullivan nunanut isumaqatigiisummut ilaangitsunut saaffiginnippoq. Ulloq 23. februarimi Bruxellesimi ingerlanneqartumik pineqaatissiinernik ataqatigiissaarineq siulleq ingerlanneqarpoq nunani tamalaani peqatigisagut naalagaaffiillu ilaasortat peqataallutik atuutsitsiniarluni suliniutit nukittorsarniarlugit.

Russit piaarisumik eqqunngitsumik paasissutissiisarfiinut inerteqqussutit suli allat:

Ruslandimi tusagassiorfiit suli marluk tusagassiorfinnut inerteqqussummut ilanngunneqarput.

Teknikikkut allannguutit

- allannguut, ilisimasortaasussanik, imarsiornerup isumannaatsuunissaanut pisariaqartunik, pilersuinissamik ajornarunnaarsitsisussaq
- taaguutip "eqquusuinerup" nassuiarneqarnera, nioqqutissat akitsuusersuinerni sivisuumik ingerlanneqartartuni "unittoornissaat" pinngitsoortinniarlugu

Ataatsimoortumik pineqatissiissutit aqqarnat

23. juni 2023

Den Europæiske Unionimi Siunnersuisoqatigiit ilassutitut pineqaatissiinerit uku akuerineqarput:

Niuernikkut pineqaatissiinerit

- Avaqqutaarinninnermut killormut sunniuteqartussat sakkut nutaat: Taamaalilluni nioqqtissanik aalajangersimasunik atortorissaarutinillu nunanut isumaqatigiisummut ilaanngitsunut, taakku oqartussaaffii suli ingerlasutut isigineqartuni avaqqutaarinissamullu ilimanaateqarluartuni, aalajangersimasunut pineqaatissiissutaasunut tunisisarneq, pilersuineq, nuussisarneq imaluunniit avammut niuerneq EU-mit killeqartinneqalersinnaassaaq. "Avaqqutaarinerit pinngitsoortinnissaannut sakku" taanna nutaaq immikkut ittuussaaq kingullertullu periarfissaassalluni, nunanut isumaqatigiisutitut ilaanngitsunut EU-p tungaaniit ataasiakkaatigut pineqaatissiissutit ujartuillunilu sulinerit avaqqutaarinissaaq akornusernissaannut naammassimangippata.
- Nuna isumaqatigiisummut ilaanngitsumut Ruslandi aqqusaarlugu EU-miit avammut niuerutigineqartut pillugit nioqqtissanut malussajasunut aalajangersimasunut (assersuutigalugu atortorissaarutit nutaaliaasut silaannakkullu angallannermut attuumassuteqartut atortut) nassiussinissamut inerteqqussut annertusineqarpoq. Tamanna aamma avaqqutaarisarnerup annikilliliissaaq.
- Ukrainemut saassilluni sorsunneranut Ruslandip sakkutuuinut suliffissuaqarnikkullu piginnaasaanut toqqaannartumik tapersersuisut pillugit allattuiffimmut immikkoortut nutaat 87-it ilanngunneqarput. Taakku marloqiusamik atorineqartunut tunisassianut teknologinullu nutaaliaasunut sukangasuumik avammut niuernissamut killilersuinnermut ilaapput. Immikkoortut Ruslandimeersut iranimeersullu allattuiffimmi allattugaareersut saniatigut maannakkut aamma immikkoortut Kinami, Usbekistani, De Forenede Arabiske Emiratin, Syriami aamma Arminiami nalunaarsugaasut ilanngunneqarput.
- Ukrainemi sorsuffiusumi nassaassaasut atortorissaarutitigut atortunik imaluunniit taamatut tunisassianik sanaartornissamut pisariaqartut atortussat suli allat 15-inik avammut niuernissamik killilersuineq. Peqatigisagut suleqatigeqqissaarpagut nunallu peqatigisagut pillugit allattuiffimmut Schweiz ilanngunneqarluni.
- Saviminernit sisannillu tunisassianik eqqussuinnermut killilersuinnermik sukaterineq, nunami isumaqatigiisummi ilaanngitsumi suliarineqartut saviminernit sisannillu tunisassianik pineqaatissinneqartunik eqqussuisunut piumasaqarluni atortussiat taakku Ruslandimeersuunnginneri uppersararneqassasoq.

- Nioqqutissat pineqaatissiissutaasut EU-p avataani suliarineqaannarnissaat pinngitsoortinniarlugu nioqqutissanik killilersugaasunut atatillugu atorneqartunik tunisinissamik, akuersissuteqarnissamut imaluunniit piginnittussaataitanerut niuerneramilu isertuussinissamut nuussinissamut imaluunniit innersuussinissamut inerteqquteqarneq.
- Inuulluataarutigalugu biilini avammut niuernissamut inerteqqussutip annertusineqarnera aalajangersimasumik annertussusilimmik motoorilinnut (> 1900 cm 3) biilit nutaat atornikullu tamaasa aamma biilit innaallagiatortut aamma akuleriinnik orsussallit ilaatilerlugit.
- Maskiinani atortunut aalajangersimasunut tamakkiisumik inerteqquteqarneq.
- Suliffissuarni nioqqutissat pillugit ilanngussami ilusimik pisariillisaaneq, killilersuinernut ilaasut tunisassiat immikkoortumi ataatsimut allannerisigut aamma avammut niuernissamut inerteqqussummut ilaasut nioqqutissat pitsaanerusumik paasineqarnissaannut tunisassiaq pillugu nassuiaateqarfissap annertusineratigut, kukkusumillu immikkoortinnerisigut pineqaatissiissutiniq avaqqutaarineq annikillisinniarlugu.

Assartuinikkut pineqaatissiissutit

- Lastbiilit russit qamutiniq kalusiuttakkagaqarlutik aamma usisaatinik peertakkanik nioqqutissanik EU-mut assartuisarnerinut tamakkiisumik inerteqquteqarneq. Tamanna russit usinik assartuisartut EU-mi nioqqutissanik assartuisartunut inerteqquteqarnermik avaqqutaarisunut eqquissaaq.
- Russit uuliamik eqqussuinissaannut inerteqqussummut imaluunniit G7-mi peqataasut akinut qummut killiliussaanut akerliusutut pasitsaanneqartunik umiarsuartigut nuussisartunut angallatinut EU-p umiarsualiviinut isernissaannut inerteqqussut.
- Naalagaaffiup ilaasortaasut pineqartup sineriaani tunngaviusumik titarnermiit 12 s̆milip iluani imaluunniit naalagaaffiup ilaasortaasup aningaasarsiornikkut oqartussaaffigisaata iluani ingerlanneqartumut umiarsuarmit-umiarsuarmut nuussinerit pillugit oqartussanut piginnaatitaasunut sivikinnerpaamik 48 tiimit sioqqullugit angallat nalunaarsimangippat angallatit EU-mi umiarsualivimmu tikinnissaannut inerteqqussut.
- Uuliamik Ruslandimeersumik, uuliamik eqqussuinissamut inerteqqussummut imaluunniit G7-p akinut qummut killiliussaanut ilaasumik assartuisunut sumiissusersiuutiminnik allangortiterisunik imaluunniit qamitsisartunut angallatinut EU-mi umiarsualivinnut isernissaannut inerteqqussut.

Nukissiuuteqarnikkut pineqaatissiinerit

- Tysklandimut aamma Polenimut ruujori aqutugalugu uuliamik Ruslandimeersumik eqqussuinissamut periarfissap atorunnaarsinnera.
- Ruslandi aqqusaarlugu uuliamik kasakhiskimeersumik assartuisumut CPC-ruujorikkut (Caspian Pipeline Consortium) ingerlatsisinnaaneq ajornarunnaarsillugu maannakkut avammut niuernissamut inerteqqussummiit sukangasuumik siunnerfeqarluartumillu ilaatitsinnginnernik eqqussineq.
- Japan pillugu uulia Sakhalinimeersoq pillugu uuliamut akimut qummut killiliussamiit ilaatitsinnginnerup sivitsorneqarnera (ulloq 31. april 2024-p tungaanut).

Allagarsiinerit suli allat

- Suli inuit immikkoortullu 100-t allat pigisat nalillit pissarsiarisinnaajunnaarsinnerinut ilaapput. Tassunga ilaapput sakkutuuni atorfillit qaffasissut, sorsunneq pillugu aalajangiisartut, inuit meeqqanik ukrainemeersunik inatsisinik unioqqutitsilluni Ruslandimut anisitsinermi peqataasut, eqqartuussisut ukrainemi innuttaasunut akerliusumik politikikkut tunngaveqartumik aalajangiisartut, inuit kulturikkut kingornussanik tillinniarnernut akisussaasut, niuertut, sunniiniartut kiisalu Ruslandimi qarasaasialeriffiit, Ruslandimi naalagaaffimmi isertortumik paasiniaasartunut atortorissaarutinik atortunillu pinngitsoorneqarsinnaanngitsunik pilersuisut, aningaaserviit nunani tiguarneqarsimasuni ingerlataqartut, aamma immikkoortut Ruslandimi sakkutuunik suleqateqartut.

Erseqqissaatit suli allat

- EU-p pineqaatissiissutaanik avaqqutaarinermi peqataasunut inunnut/immikkoortunut kusanaatsuliornermut piumasaqaatit nutarterneqarneri, tassunga ilanngullugit EU-p pineqaatissiissutaanut annertuutigut akornusiiniartut.
- Kusanaatsuliornermut piumasaqaatinik nutaanik ilanngussinikkut Den Russiske Føderations Føderale Sikkerhedstjeneste-miit (FSB) imaluunniit Ruslandimi suliffissuarnut niuernerimullu ministereqarfimmiit akuersissuteqarlutik Ruslandimi qarasaasialerinerup iluani ingerlataqartut inuit immikkoortullu tikkuarneqarsinnaalerlutik.
- Inuk, allattuiffimmi allanneqarsimasoq peqatigalugu Ruslandimi peqatigiilluni ingerlatsinerni piginnittussaataitanernik tunisinissamik akuersisunik ilaatitsinnginnernik ikkussineq.
- Ilaatitsinnginninnermik ikkussineq, immikkut børsimi nalunaarsugaasunik immikkoortunik pigisaqartunik pappiaranik aningaasanik nalilinnik aalajangersimasunik tunisaqarnissaq ajornarunnaarsillugu.

- Oqartussat piginnaatitaasut akornanni paasissutissanik paarlaasseqatigiinneq pillugu aamma eqqartuussissuserisut aamma nalunaaruteqarnissamut pisussaaffimmut atatillugu sullitaasa akornanni attaveqarnerit isertuunnissaannik ataqqinninneq pillugu aalajangersakkami erseqqissaanernik aalajangersimasunik ikkussinerit.
- EU-mi immikkoortup pigisaanik nalilinnik inuk allattuiffimmi allassimasoq nakkutiginnittoq peerlugu internettimi ingerlatanut isersinnaanermut killilersuisunik pilersitsinissamut pisariaqartunik sullissinernik pilersuinissaq ajornarunnaarsillugu ilaatitsinnginnermik ikkussineq.
- Immikkorluinnaq pisuni ilisimasortaasussanik pilersuinernut ilaatitsinnginnissamik atuutsitsilerneq.

Nioqqutissat allat

- Tusagassiorfinnut inerteqqussut aallakaatitsisarfinnik sulii tallimanik ilaneqarpoq.
- Paasissutissanik nalunaarusiortarnermilu paarlaasseqatigiittarnissaq pillugu aalajangersakkat sulii allat.
- Ruslandimi ingerlataqartut EU-miit tunineqarnissaannut eqqartuussivikkut pisariaqartunik sullissinernik inerteqqutaasunik pilersuinerit akueriniarlugit utaqqiisaasumik ilaatitsinnginnermik ikkussineq.

Avaqutaarinninnerit akiorniarlugit Belarusimut pineqaatissiissutit atuuffiisa annertusineri

3. august 2023

Belarusimi pissutsit tunuliaqutaralugit killilersuilluni aaqiinerit pillugit peqqussummik (EF) nr, 765/2006-imik allannguisut aaqiinerit nutaat. Allanguinerit taakku Ruslandimut aamma Belarusimut EU-p pineqaatissiissutaanik tulluarsaanerunissamik pilersitsippat aamma Ruslandimi pineqaatissiissutit Belarus aqqutigalugu avaqutaarneqannginnissaannik qulakkeerinnermut iluaqutaassapput.

Belarusip sakkutuuinut atortorissaarutitigullu pitsanngorsaananeranut iluaqutaasunik nioqqutissat atortorissaarutillu malussajasut arlallit ilanngullugit Belarusimut avammut niuernissamut inerteqqussummik pineqaatissiinerit ilaneqarput. Aallaasinut imassanullu aamma nioqqutissanut atortorissaarutinullu silaannakkut angallannerup avataarsuanullu aallartitsisarnermi suliffissuit iluini atugassatut naleqquttunut avammut niuernissamut inerteqqussutinik sulit allanik Siunnersuisoqatigiit eqqussippat. Allanguinerit aamma Ruslandimut pineqaatissiilluni aaqquissuussinnermut naapertuuttumik Belarusimut aamma pineqaatissiippat.

Killilersuilluni pineqaatissiinerit taakku tuavisaarutigineqarput nioqqutissanik atortorissaarutinillu malussajatorujussuaranut aalajangersimasunut tunngasunik avaqutaarinerit akiorninerit atatillugu tuaviuuttariaqarneri eqqarsaatigalugit. Peqatigiinni nunanut allanut tunngasunut sillimaniarnikkullu politikinut sinniisuata aamma Kommissionip ulloq 26. januar 2023-mi aalajangiinermik 2012/642/FUSP-mik aamma peqqussummik (EF) nr. 765/2006-imeersumik allannguinissamik siunnersuummik saqqummiussap sinneranut taakku attuinngillat, sulilu sammineqartussaallutik.

Ataatsimoortumik pineqatissiisutit aqqaneq aappaat

18. december 2023

Den Europæiske Unionimi Siunnersuisoqatigiit ilassutitut pineqaatissiinerit uku akuerineqarput:

Allagarsiinerit suli allat

- Pigisanik nalilinnik pissarsiarisinnaajunnaarsitsinernut ilaasut inuit immikkoortullu suli allat 140-it Taakkununga ilaapput Ruslandimi sakkutuut illersuisullu, tassunga ilanngullugit sakkutuunut suliffissuaqarfiit aamma namminersortut sakkutuunut suliffissuit. Taakkununga aamma ilaapput qarasaasialerineri ingerlataqartut kiisalu aningaasaqarnikkut ingerlataqartut allat pingaaruteqartut. Pineqaatissiisutit aamma Ruslandip tiguarsimagallarsimasaani Ukrainemi sumiiffinni qanittukkut inatsisinik unioqutitsisumik "qinersinertut" taaneqartunik aaqjissuussisunut, aamma meeqqanik ukrainemeersunik pinngitsaaliillunilu "perorsaaqqiinerimik" akisussaasunut, kiisalu Ruslandip Ukrainemut saassussilluni sorsunneranut tapersersuillutik piaaralutik eqqunngitsunik paasissutissanik/sunniiniutinik siaruarterisunut sammitinneqarput.

Niuernikkut pineqaatissiinerit

- Diamantinik Ruslandimeersunik eqqussuinissamut inerteqqussut: Ruslandimi piiarneqartunik, suliarineqartunik imaluunniit tunisassiarineqartunik suliffissuarni suliarineqanngitsut diamantit pillugit eqqussuineri killilersuinerit. Pineqaatissiisutissatut siunnersuutigineqartut taakku G7-mi diamantinik inerteqqussutaanut nunani tamalaani ataqatigiissarneqartumut ilaapput, Ruslandip taamatut isertitanik pingaaruteqartunik, ukiumut 4 mia. EUR-nik missiliorneqartunik arsaarnissaanik siunertaqartut. Ruslandimiit avammut niuerutigineqartunut kingusinnerpaamik 1. januar 2024-mi diamantinut toqqaannartumik inerteqqussummik G7-mi ilaasortat tamarmik naammassinninniarput, Ulloq 1. marts 2024-miit, nunami isumaqatigiisummut ilaangitsumik qillarissarneqartunut diamantinut ruslandimeersumut inerteqqussut atuutilissaaq, aamma ulloq 1. september 2024-miit inerteqqussummut ilanngunneqassapput laboratoriami sananeqartut diamantit, pinneraatit nalunaaquttallu diamantitallit ilaatilerlugit. Pineqaatissiisutit taakku sunniuteqarnerulersinniarlugit G7-p iluani diamantit qillarissarneqanngitsut pillugit qajannaatsumik sumiissusersineqarsinnaasunik uppersaateqartitsisarneri pilersinneqassapput.
- Saviminernik tunisassiornermut, aluminiumik tunisassianut suliarineqarsimasunut allanullu saviminissanut atortussiassanik eqqussuinissamut inerteqqussut: pineqaatissiinerit nutaat, saviminernik nioqqtissianik aalajangersimasunik Ruslandimiit eqqussuinerimik killilersuisussat.

- Avammut niuerneramik killilersuinerit: ukiumut 2,3 mia. EUR-nik naleqartumik tunisassianik marloqiusamik atorineqartunut aamma atortorissaarutitut nutaalianut suliffissuarnilu nioqutissanut avammut niuernissamat killilersuutit allat.
- Ruslandip sakkutooqarnikkut piginnaasaanik sakkukillileeqqinnissaq siunertaralugu marloqiusamik atorineqartunik/atortorissaarutititut nutaalianik avammut niuerneramik nakkutilliinerit nutaat, tassunga ilanngullugit akuutissiat, termostatit, silaannakkut angallatitut inuttaqanngitsunut jævnstrømsmotorit aamma servomotori (UAV), maskiinat sakkuusiviit maskiinanullu atortut.
- Suliffissuaqarnermi Ruslandip piginnaasaa akornuseqqinniarlugu EU-mi suliffissuarni nioqutissanut avammut niuernissamat inerteqqussutit nutaat, tassunga ilanngullugit maskiinat atortullu, sanaartornermut attuumassuteqartut nioqutissat, saviminissat suliarineqarsimasut, kobberinik aluminiumimillu tunisassiat, laserit aamma batteerit.
- Ruslandip sakkutuutigit suliffissuaqarfianut annertuumut atassuteqartut immikkoortut pillugit allattuiffimmut Ruslandimi immikkoortut aamma isumaqatigiisummut ilaangitsuniit nunaniit immikkoortut 29-it ilanngunneqarneri (tassunga ilanngullugu Usbekistanimi aamma Singaporemi nalunaarsorneqarsimasut immikkoortut).
- Ruslandimi naalackersuisunut imaluunniit Ruslandimi suliffeqarfinnut suliffeqarfinnut ilusilersuinikkullu attuumassuteqartunik softwarenik pilersuinissamat inerteqqussut. Anguniagaq aamma tassaavoq suliffissuaqarfisigut Ruslandip piginnaasaata sakkukillisinissaa. Nunani tamalaani peqatigisagut, tassunga ilanngullugit USA aamma Tuluut Nunaat, suleqatigeqqissaarlugit sumiiffimmi sullissiffiusumi killilersuinerit.

Pigisanik nalilinnik pissarsiarisinnaajunnaarsitsinissamat pisussaaffiit sukanganerusut

- Kusanaatsuliornermut piumasaqaatit nutaat: Kusanaatsuliornermut piumasaqaatit nutaat pillugit Siunnersuisoqatigiit isumaqatigiippat, tassaniissallutik inuit EU-mi suliffeqarfinnik russit ingerlatseqatigiiffiinik piginnittuerneramik imaluunniit nakkutiginninnermik pinngitsaalineqarnikkut nuussinermik iluaquserneqartut. Tamatuma qulakkiissavaa EU-mi suliffeqarfiit annaasaannik iluanaaruteqartoqannginnissaa, taakku ingerlatseqatigiiffii russinit piginnittunit/aqutsisunit pissaaneq atorlugut tiguneqarpata.
- Pissarsiarisinnaajunnaarsitsinermik aaqqiinerit sunniuteqarunnaarnissaannik akornusiiniarluni pigisanik nalilinnik pissarsiarisinnaajunnaarsitsineq pillugu allattuiffimmi inuit toqusut allassimaannarnissaat periarfissaalerpoq.
- Pineqaatissiinernik unioqutitsisoqartillugu imaluunniit avaqutaarisoqartillugu pitsaaliuinissaq imaluunniit paasisaqarnissaq siunertaralugu allattuiffimmi allanneqarsimasunit inunnit pigineqartut pigisat nalillit tumisiornissaannut naalagaaffiit ilaasortaasut sukanganerusumik pisussaaffilerneqarput.

Nukissiuuteqarnikkut pineqaatissiinerit

- Uuliap akianut qummut killiliussaqa: Sorsunnerup ingerlatiinnarnissaa Ruslandimut ajornarnerulersinniarlugu nunani tamalaani G7+-uuliap akianut qummut killiliussaqa pineqaatissiinerit nutaat eqqunneqarnerisigut sukateriffigivarput, umiarsuit uuliamik assartuutit nunanut isumaqatigiissummut ilaanngitsunut tunisisarnerat nakkutigilluarneruniarlugu kiisalu atsiornissamut sukumiinerusumik piunasaqaateqarnikkut. Taanna akinut qummut killiliussaqa avaqqullugu Ruslandimit atorneqartut "umiarsuit ilisarnarunnaarsakkat" iliuuseqarfiginissaanut iluaqutaassaaq. Tassunga atatillugu pineqaatissiisutit tulluarnissai siunissamilu najoqqutassat qulakkeerniarlugit G7-mi peqatigisagut EU-mit oqaloqatigeqqissaarneqarput.
- Gassimut imerpalasumut (LPG) eqqussuinnissamut inerteqqussut nutaaq, 1 mia. EUR sinnerlugit ukiumut eqqussuinnermut sunniuteqartussaqa, isumaqatigiissutinut atuuttunut sivisunerpaamik qaammatini aqqaneq marlunni ikaarsaarnissamut aalajangersagaqarluni.

Avaqquaarinninnermut killormut sunniutissanik sakkortunerusumik pineqaatissiinerit

- Ruslandi aqqusaarlugu nuussinernut inerteqqussutit atuuffiata annertusineqarnera, taakku isumaqatigiissummut ilaanngitsumut nunamut avammut niuerutigineqartussatut aalajangerneqarsimatillugit aningaasarsiornikkut pingaaruteqartut nioqqutissat ilanngunneqarnerisigut.
- Nioqqutissanik malussajasunik aalajangersimasumik Ruslandimut avammut niueqqinnissaq inerteqqutigalugu isumaqatigiissuteqarnikkut ingerlataqartut pisussaaffilerneqarnerat, tassunga ilanngullugit silaannakkut angallannermut, jetinut orsussat, aallaasit aamma nioqqutissat salliutinneqartut pillugit ataatsimut allattuiffimmiittut nioqqutissanut tunngasut.
- Pineqaatissiinermik nutaamik eqqussineq, russinit 40 % sinnerlugu toqqaannartumik imaluunniit toqqaannangitsumik pigineqartuniit EU-mi immikkoortuniit imaluunniit immikkoortuniit Ruslandimi pilersinneqarsimasuniit EU-mit aningaasanik annissinernik aalajangersimasumik nalunaaruteqarnissamik piunasaqarfusoq.

Pineqaatissiinerit suli allat

- Inuk allattuiffimmi allanneqarsimasoq aningaasanik imaluunniit aningaasatigut isumalluutininik arsaanissaanik pisortat soqutigisaqarlutik naalagaaffinni ilaasortaasuni aalajangiinnissamut periarfissinneqarlutik ilaatitsinnginnermik nutaamik ikkussineq.
- Sillimmasiisarfiup børsimi qanittukkut nalunaarsugaasup ajoqusernertut taarsiinernik akiliinissaa periarfissaalersillugu ilaatitsinnginnermik ikkussineq.

- Inunnit imaluunniit immikkoortunit aalajangersimasunit allattuiffimmi allanneqarsimasunit pigineqartunik EU-mi suliffeqarfinnik tunisinissamut akuersinissamut ilaatitsinnginnermik ikkussineq.

Nioqutissat allat

- Ilisimasortaasussanik, imarsiornerup isumannaatsuunissaanut pisariaqartunik, pilersuinissaq ajornarunnaarsillugu teknikikkut allannguummik ilanngussineq.

Ataatsimoortumik pineqatissiissutit 13-iat

23. februar 2024

Den Europæiske Unionimi Siunnersuisoqatigiit ilassutitut pineqatissiinerit uku akuerineqarput:

Allagarsiinerit suli allat

Taanna tassaavoq manna tikillugu suli takuneqanngitsoq ataatsimoortumik pineqatissiissutit inunnik toqqarneqartunik 194-inik imaqartoq, tassunga ilanngullugit inuit 106-it aamma immikkoortut 88-it. Taamaalilluni allattuiffimmi 2000-nik allattuiffimmiittussanik EU-mi killiliineq qaangerneqarpoq. Pingaartumik atuuppoq

- Ruslandip sakkutuuinut illersornissamullu immikkoortuinut siunnerfeqartoq: suliffeqarfiit aamma Ruslandimi sakkutooqarnikkut suliffissuarni inuit ataasiakkaat 140-nit ikinnerunngitsut nutaamik allatorneqarneri, ilaatigut missiliniq, droniniq, silaannakkut missiliniq illersuutissanik, sakkutuunut biiliniq, sakkunut atortussiat pitsaalluinnartunik allatigullu sakkutuunut atortussanik sanaartortut
- Ruslandip sorsunnermi peqatigisaanut sammisumik sakkortuumik kalerriuteqarneq: allattuiffimmi nutaatut allanneqartut Ruslandimi suliffeqarfinnut inunnullu ataasiakkaanut qulinut sammitinneqarput, Den Demokratiske Folkerepublik Korea-miit (Korea Avannerleq) Ruslandimut sakkunik nassiussinermi peqataasut. Aamma DPRK-mi illersornissamut ministeri kiisalu belarusimi suliffeqarfiit inuillu ataasiakkaat arlallit, russit sakkutuuinut sakkulersorsimasunut tapersersuisunut taakku sammitinneqarput.
- Avaqqutaarinninnernik akiuineq: Allattuinerut nutaanut ilaapput Ruslandimi assartuinermi suliffeqarfik tassanilu pisortaq, Ruslandimut nioqqutissanik inerteqqutaasunik eqqussuinermi peqataasooq, aamma pisiortornermi aqqissuussinermi allami peqataasooq russeq ingerlataqartoq alla.
- Ukrainemi immikkoortunik Ruslandip tiguaaneranut inatsisinillu unioqqutitsisumik tiguaaneranut sammisut EU-p suliniutaanik nukittorsaaneq: allattuiffimmi nutaatut allanneqartunut ilaapput Ukrainemi immikkoortuni tigarneqarsimasuniittut eqqartuussisut qulit aamma atorfillit qulit
- Meeqqat pisinnaatitaaffiiniq innarliinernut pineqatissiinerit: Allattuiffimmi allatorneqartunut nutaanut ilaapput inuit 15-it immikkoortullu marluk meeqqanik ukrainemeersunik pinngitsaaliilluni nuussinerni aamma aallarussinerni isumassaannillu sakkutuut immersuinerani peqataasut, tassunga ilanngullugu Belarus.

Niuernikkut pineqaatissiinerit

Ataatsimoortumik pineqatissiisummi tassani russit sakkutuunit atortorissaarutininik malussajasunik nunanit killerniit Ruslandimit pissarsiarineqarnissaannik akornuseeqqinniarluni suliniutinik itisilerisoqarpoq. Silaannakkut angallatit inuttaqanngitsut imaluunniit dronit Ruslandip Ukrainemut sorsunneranik pinaaruteqarsimapput.

Ataatsimoortumik pineqatissiisummi tassaniipput taamaalilluni droninut atortussanik pingaarutilinnik Ruslandimut pisiortortut suliffeqarfiit pillugit immikkut allattuiffik, avaqqutaarinerillu matuniarlugit ingerlataqarfikkuutaartumik pineqaatissiinerinik aalajangersimasumik eqqussilluni aamma dronit atorlugit sorsunneq pisariunerulersillugu.

Pissarsiffiusunit assigiinngitsuniit aalajangersimasutigut uppersaatit tunngavigalugit aamma niuernermit akitsuuserinermilu paasissutissanik ikorfartorneqartumik ataatsimoortumik pineqatissiisummi tassani, Ruslandimi sakkutooqarnikkut suliffissuanut atassuteqartut immikkoortut pillugit allattuiffimmut Ruslandimi suliffeqarfiit aamma isumaqatigiisummut ilaanngitsuniit nunaniit suliffeqarfiit 27-it ilanngunneqarput (peqquussummut (EU) nr. 833/2004-mut ilanngussa IV). Marloqiusamik atorneqartut nioqqutissat atortorissaarutillu kiisalu nioqqutissat atortorissaarutillu Ruslandip illersornissakkut sillimaniarnikkullu ingerlataqarfiinut atortorissaarutitigut pitsanngorsaannermit iluaqutaasinnaasut eqqarsaatigalugit suliffeqarfinnut taakkununga avammut niuernissamut killilersuinerit EU-mit eqqunneqarput. Ataatsimoorussamik pineqaatissiisutitut ilassutit

- Ruslandimi suliffeqarfiit 17-it, droninik sanaartornermut atatillugu immikkut atorneqartartunik elektronikinik ineriartortitsinermit, tunisassiornermit pilersuinermiulu peqataasut
- Suliffeqarfiit sisamat, Kinami nalunaarsorneqarsimasut, aamma ataaseq, tamarmik immikkut Kasakhstanimi, Indiami, Serbiami, Thailandimi, Sri Lankami aamma Tyrkiami nalunaarsugaasimasut, aamma elektronikitigut atortunik niuruteqartut, tassunga ilanngullugit EU-mi aallaaveqartut atortussat

Aamma ataatsimoortumik pineqatissiisutit pillugit allattuiffimmiipput atortorissaarutitigut atortussiat nutaaliat, Ruslandip sakkutuuisa atortorissaarutitigullu pitsanngorsaanneranut imaluunniit nunap illersornissakkut sillimaniarnikkullu immikkoortuani ineriartortitsinermit iluaqutaasinnaasut. Droninik ineriartortitsinermit sanaartornermilu atorneqartartut atortussat ilanngunneqarput, soorlu transformerit elektriskiusut, stiske omformere aamma induktionit, ilaatigut droniniittut, kiisalu aluminiumkondensatorit, sakkutuunit atorneqartartut, assersuutigalugu missilini aamma dronini aamma timmisartunut umiarsuarnullu attaveqaatersuutini. Tamatuma Ruslandip sakkutuutitigut piginnaasaa sakkukinnerulerseqqissavaa.

Nunani tamalaani suleqatigiinnerup siuarsarnissaanut aaqqiinerit

Ataatsimoortumik pineqatissiisummi Tuluut Nunaat saviminermik sisammillu eqqussuineq pillugu nunatut peqatigisatut ilanngunneqarpoq. Nunat peqataasut taakku saviminermik sisammillu eqqussuineq pillugu pineqaatissiissutinik killilersuisunik arlalinnik aamma eqqussuinissamut pineqaatissiissutinik arlalinnik atuipput, katillugit annertuutigut EU-p peqqussutaani (EU) nr. 833/2014-imi pineqaatissiinernut naapertuuttut.

**Piaaraluni eqqunngitsunik paasissutissiinernut sorsunnermilu sunniiniarnernut
pineqaatissiissutit**

17. maj 2024

**Den Europæiske Unionimi Siunnersuisoqatigiit ilassutitut pineqaatissiinerit uku
akuerineqarput:**

Tusagassiorfinnit suli sisamaniit — Voice of Europe, RIA Novosti, Izvestia aamma
Rossiyskaya Gazeta — Ruslandip Ukrainemut saassulluni sorsunneranik tapersersuisuuneri
naapertuutsitsinerilu eqqarsaatigalugit EU-mi imaluunniit EU-mut sammitinneqartunik
aallakaatitsinissat atorunnaarsinneri.

Ataatsimoortumik killilersuilluni pineqaatissiissutit 14-iat

24. juni 2024

Siunnersuisoqatigiit killilersuilluni pineqaatissiissutit 14-iat akuersissutigaat, tassanilu russit aningaasaqarnikkut pingaarutilinnik sullissiviinut sammitinneqarput, soorlu nukissiornermut, aningaasaqarnermut niuernernullu tunngasuni, taamaalillutillu EU-p killilersuinerisa avaqqutaarnissaat suli ajornarnerulerluni.

Ataatsimoortumik killilersuilluni pineqaatissiissutit 14-iat makkunanga imaqarpoq:

Nukissiuutinut tunngasuni killilersuilluni pineqaatissiissutit

- LNG-nut suliniutinut Ruslandimi sanaartorneqartunut nioqutissanik, teknologiinik kiffartuussinermilluunniit tunniussinissamik inerteqqutit.
- Russit LNG-ivinik EU-mi umiarsualivinni usinik nuussisinnaanermut inerteqqut.
- Russit LNG-ivinik terminalinut aalajangersimasunut EU-p gassinut ledningiinut attaveqanngitsunut eqqussinissamut inerteqqut.
- Angallatit allattorsimaffiat russit sorsunnerinut tapersersuisut

Avaqqutaarinninnermut akerlianik sunniutissanik sakkortunerusumik pineqaatissiissutit

- Ingerlatseqatigiiffiutigisanik nunani allaniittunut atatillugu suliniutit sapinngisamik annerpaatinnissaannut pisussaaffeqarnej: EU-mi suliffeqarfiit sapinngisamik qulakkeerniassavaat ingerlatseqatigiiffiutigisatit nunani allaniittut sulianut EU-p killilersuutaanut ajoqutaasunik peqataannginnissaat.
- Immikkut piunasaqaammik "Ruslandimik suleqateqannginneq"-mik ilisimasanik piginnittussaataaermermi (IPR) nuussinerit suliffissuaqarnermi ilisimasanik Unionip avataanit nuunneqartut nioqutissanik Ruslandimut ataatsimut pingaartinneqartunik nioqutissiornissamut atorpeqannginnissaat qulakkeerniarlugit.
- Kiassarnermut atortunik nioqutissianik tunniussinissamut piunasaqaatit.

Allagarsiinerit suli allat

Allagarsiinerit allat katillugit 116-iusut inunnut 69-inut immikkoortunullu 47-inut allattorsimaffimmut ilanngunneqarput, taakku pigisanik nalilinnik pissarsiarisinnaajunnaarsitsinissamut ilaatinneqarput aamma — inunnut ataasiakkaanut tunngatillugu — angalanissamut inerteqqusiinermik ilaqarlutik. Allattorsimaffiit Ruslandimi naalagaaffimmi suliassaqarfinni assigiinngitsuneersut kalluarneqarput, matumanilu

sakkutuunut atortussanik suliffeqarfiit, suliffeqarfiit avataarsualiartarnermut teknikkinik suliaqartut, akuutissanut imaluunniit qaartartunik suliaqarfiit, kiisalu Ruslandimi nukissiorfiit nuimanerpaat. Allattorsimaffinni ilaatinneqarput piaaraluni eqqunngitsunik paasissutissiinernut sorsunnermilu sunniiniarnernut suliaqartut Ruslandip Ukrainemut saassussineranut tapersersuisunut ilaasut.

Aningaasaqarnermut tunngasuni killilersuilluni pineqaatissiinerit

- EU-mi aningaaseriviit Ruslandip avataaniittut Ruslandimi qitiusumik aningaaseriviata aningaasanik akiliisitsissutaannik atuillutik aningaasanik nuussinissamut attaveqaataanissaannut nuussissunneqarnissaannullu (SPFS) inerteqqut.
- Aningaaserivinnut allaniittunut SPFS-imik atuillutik Ruslandip aningaasarsiorneranut patajaallisaasunik killilersuinitinnillu avaqqutaarisunut nuussinissamut inerteqqut.
- Ruslandimi nunamilu allami aningaaserivinnik nuussinissamut aamma digitalikkut aningaasatigut pigisanik neqerooruteqartartunik Ruslandip illersornissamut atugassaanic nussinissamut oqilisaataasunik inerteqquteqarneq.

Pineqaatissiisutit niuernermet tunngasut

Nunanut allanut niuerutigineqartut

- Teknologiiinik marloqiusamik atorineqartartunik/ siuarsimasunik tunngasunik nioqputinik avammut nioqquteqarnissamut killilersuutinik annertusaaneq (ass. "quadbikes", mikrobølgeneq aamma luftforstærkerit kiisalu timmisartut ingerlaarnerannik digitalikkut immiussissutit).
- Suliffissuarni nioqputissanut Ruslandip sorsunnermi aningaasarsiorneranik aalajangiisunik maanna avammut nioqquteqannginnissamut sukaterineq suliassaqarfiit sisamat pingaernerutillugit: akuutissat, plast, angallassissutinut atortut ilaat kiisalu maskiinat sorsulinnginnerup siorna (2021) ukiumut 5 mia. EUR-inik nalillit.

Eqqussat

- Heliumimik eqqussinissamut inerteqqut.
- Diamantinik Ruslandimeersunik eqqussuinissamut inerteqqummik nalimassaaqqinneq.
- Ruslandip sakkutuutigut suliffissuaqarfianut annertuumut atassuteqartut immikkoortut pillugit allattuiffimmu Ruslandimi immikkoortut aamma isumaqatigiisummut ilaangitsuniit nunaniit immikkoortut 61-it ilanngunneqarneri (tassunga ilanngullugu nunanit ilaangitsuniit immikkoortut 33-t): 19-it Kinami/Hongkongimi, qulingiluat Tyrkiami, marluk Kirgisistanimi, ataaseq Indiami, ataaseq Kasakhstanimi, ataaseq De Forenede Arabiske Emirater).

- Ataatsimut salliutitanik allattorsimaffimmik ilassuteqarneq.

Assartuinikkut pineqaatissiisutit

- Timmisartukkut: inunnik angallassissutaanngitsunik timmisartuussinissamut inerteqquteqarneq timmisartup aallarfissaa tikiffissaalu Ruslandimiumit aalajangerneqarpat (timmisartup piginnittaa aqutsisualuunniit kinaagaluarpalluunniit) assigiimmik pisussaaffinnik aalajangersimasuunngitsunik timmisartuussinernut paasissutissanik tunniussisussaatitaanermik atuutsitsineq naalagaaffimmi oqartussanit timmisartup piginnitaanik, ilaasuunik il.il. paasissutissanik piniarnerni, aamma timmisartuussinissamut inerteqqummik avaqqutaarinissaq pitsaaliorniarlugu.
- Aqqusinikkut: EU-mi aqqusinikkut assartuinissamut inerteqqutip pioreersup sakkortusinera.
- Umiarsuakkut: Angallatit allattorsimaffimmiittut tulannissaannut kiffartuunneqarnissaannullu inerteqqut. Killilersuilluni pineqaatissiisutit 14-ianni angallatit 27-t allattorsimaffimmut uunga ilanngunneqarput Ruslandip sorsunneranut suliaasaqarfinnut assigiinngitsunut tapiissuteqartarnerat pissutigalugu, ilaatigut sakkutuut atortuinik Ruslandimut assartuineq kiisalu Ukrainemit karrinik tillitanik assartuineq, umiarsuarnik Ruslandimit uuliamik assartuisunik sumiissusersiutinik qamiteralutik ingerlaartartunut peqataaneq, umiarsuit ingerlaarnerannik salluliorlutik paasissutissiisarnerat ilanngullugu eqqarsaatigalugu kiisalu Ruslandip nukissiuutaanik tapersersuineq inerisaanerlu, ass. LNG-mi attaveqaasersuutit ilaannik assartuinikkut imaluunniit LNG-nik usinik nuussinikkut.

EU-mi inuussutissarsiuqartunik illersuineq

- Naalagaaffiit ilaasortaasut eqqartuussiviini taarseeqqusilluni piumasaqaateqarnissamut inatsisitigut tunngavissiineq: Ruslandip killilersuinernik arsaarinnittarneranillu suliaqarneranut atatillugu ajoqusiinernut EU-mi inuussutissarsiortut EU-mi taarseeqqusinissaannik piumasaqaateqarnissamut inatsisitigut tunngavissiineq.
- Suliatigut isumaqatigiissitsiniarneq illersorniarylugu aningaasanik nuussisarnissamik inerteqquteqarneq

Ilisimasanik piginnittussaatitaanernik illersuiniarluni suliniutit

- EU-p naalagaaffiillu ilaasortaasa ilisimasanik piginnittussaatitaanermik allaffiisa oqartussaasalu ilaatigut nioqqutissat ilisarnaataannik nutaanik piginnittussaanermillu Ruslandimiunit Ruslandimilu najugaqartunit inunnit qinnutigineqartunik nalunaarsuinissamut akuersinissaannut inerteqqut.

Ruslandimit akuleruttoqarnissaanik akiuniarluni iliuitsit

- Ruslandimi naalagaaffimmit politikkikkullu sinnisaannit, NGO-nit EU-milu tusagassiutaannik neqerooruteqarnissaannut aningaasaliinissaannullu akuersinissamut inerteqqut.

Pineqaatissiinerit suli allat

- EU-p naalagaaffiillu ilaasortaasa Ruslandimit immikkoortunik sunilluunniit aningaasalersuinissamut inerteqqut – immikkoortut siornatigutut naalagaaffimmit pigineqartut kisiisa pinnagit. Tamanna tamanut neqeroortitsisarnermut killilersuutaareersunut naapertuutissaaq.
- Kulturikkut pigisanik Ukrainemeersunik eqqussinissamut inerteqquteqarneq: kulturikkut sanaartukkanik Ukrainemiit tillitat.

Belarusimut ataatsimoortumik killilersuilluni pineqaatissiissutit nutaat

29. juni 2024

Siunnersuisoqatigiit Belarusimut killilersuutaasunik nutaanik akuersissuteqarput Ruslandip Ukrainemut unioqqutitsilluni sorsunneranut peqataasarnera isiginiarlugu.

Killilersuilluni pineqaatissiinerit EU-p Belarusillu akunnerminni niuernerikkut immikkut ilisarnaataannut tulluussagaapput Belarusimilu immikkoortuni suliaasaqarfinni aningaasaqarnikkut, matumanilu niuernikkut, kiffartuussinikkut assartuinikkullu sunniuteqarluni. Tamatumani avaqqutaariniarnermik akiuiniarluni periusissiamik pitsaasumik pilersitsisoqarnissaa periarfissiivortaaq, tassuunakkullu aamma qulakkeerneqarluni pineqaatissiissutit Belarusip Ruslandip Ukrainemut sorsunneranut peqataaneranut naapertuuttumik annertussuseqarlutik. Pineqaatissiissutit nutaat aqqutigalugit EU-mi suliallit Belarusip immikkoortuisa pineqaatissiissutinik pinngitsaaliillunilu pigisanik arsaarinnittarneranut atatillugu ajoqusiinerannut taarsiissuteqaqqusisinnaallutik.

Belarusimut immikkoortunut aalajangersimasunut killilersuilluni pineqaatissiinerit august 2023-mi kingullermik allanngortinneqarput Ruslandimut killilersuinerit nalimmassarneruteqqinniarlugit.